

甘肅全省新通志

卷五拾柒

甘肅新通志卷之第五十七

名宦

不朽有三立德立功尤重後世名宦之祀即成周崇德報功遺意茲訂正舊志凡祀入祠者為名宦傳間有功德在民未經與祀者參攷事蹟果輿論僉孚仍為補列官階崇卑例勿論也

蘭州府

漢霍去病 傳見大吏

馮野王字君卿杜陵人元帝時遷隴西太守以治行高入為左馮翊

馮 遂字子產野王弟建昭中為隴西太守治行廉平

竇 融 傳見大吏

庫 鈞字巨公光武時為金城太守與河西都尉竇融等政皆寬

甘肅新通志

卷五十七

職官志 名宦上

一

和上下相親晏然富殖修兵馬習戰射明烽燧羌人犯塞諸郡相救由是羌人震服流民歸之

來 歙 傳見大吏

馬 援 傳見大吏

馬 武 傳見大吏

張 紆章帝元和時為隴西郡太守燒當羌迷吾及弟號吾寇隴西紆將兵追獲之號吾曰誠得生還必不復犯塞紆放遣之羌即解散章和初傳育為護羌校尉擊羌敗死紆代為護羌校尉迷吾寇金城紆遣將擊敗之迷吾乞降紆因誘執迷吾斬其首以祭育

塚

鄧 訓 傳見大吏

曹 鳳 傳見大吏

侯霸 傳見大吏

上官鴻和帝永元時爲金城長史開置歸義建威屯田二十七部

馬賢 傳見大吏

龐參 傳見大吏

魯謙扶風平陵人恭長子爲隴西太守有名績

霍諝字叔智魏郡鄴人順帝時舉孝廉稍遷金城太守性明達篤厚能以恩信化誘殊俗甚爲羌戎所敬服

貫友 傳見大吏

魏蘇則 傳見大吏

游楚字仲允馮翊高陵人太和中隴西太守以恩德爲治不好刑殺諸葛亮出隴右天水南安太守各棄郡東下楚獨據西與吏民堅守旣而蜀兵攻隴西楚遣長史馬駟鳴鼓擊之蜀兵乃去

甘肅新通志

卷五十七

職官志 名宦上

一一

晉張重華 傳見志餘

麴允 傳見本府鄉賢

車濟 傳見敦煌鄉賢

任蘭後秦時爲金城太守乞伏乾歸以衆叛攻陷金城執蘭厲色責乾歸以背恩違義乾歸怒而囚之蘭遂不食而死

北魏辛子馥 傳見本府羣材

辛術 傳見本府羣材

辛雄 傳見本府羣材

梁覽 傳見本府鄉賢

趙柔 傳見本府鄉賢

宗欽 傳見本府鄉賢

念賢金城枹罕人 傳見河州鄉賢

北周辛慶之 傳見本府羣材

李 賢 傳見秦州羣材

辛 昂 傳見本府羣材

王 傑賜姓名宇文達 傳見本府鄉賢

豆盧勣字定東昌黎人周武帝初渭源燒當羌因饑作亂以勣有才略拜渭州刺史甚有惠政華戎悅服大致祥瑞鳥鼠山俗呼爲高武隴其下渭水所出其上絕壁千尋由來乏水諸羌苦之勣馬足所踐忽飛泉湧出有白鳥翔止廳前乳子而後去又白狼見於襄武民爲之謠曰我有丹陽山出玉漿濟我民生神鳥來翔百姓因號其泉爲玉漿泉

宇文雄 傳見本府鄉賢

隋段文振 傳見大吏

甘肅新通志

卷五十七

職官志 名宦上

三

李禮成 傳見本府羣材

辛德源 傳見本府羣材

辛公義 傳見本府羣材

辛彥之 傳見本府羣材

裴 倫河東人大業末爲渭源令屬薛舉之亂城陷遇害

唐崔知温字禮仁許州鄆陵人仕爲左千牛累遷蘭州刺史党項羌入侵州境兵寡衆懼莫知所出知温開門不設備羌怪之不敢進俄會將軍權善才率兵至大破其衆善才欲窮追取之知温曰古善戰勿逆奔且谿谷複深草木荒延萬一有變不可悔善才曰善分降口五百贈知温辭曰我議公事圖私利耶累遷尙書丞

李素立 傳見大吏

薛 訥 傳見大吏

王 峻 傳見大吏

郭知運 傳見安西州羣材

蕭 定字梅臣瑀曾孫以蔭起家陝州參軍事金城丞洺事清挺

渾釋之 傳見本府羣材

渾 城 傳見本府鄉賢

李襲譽字茂實狄道人 傳見本府羣材

宋王 韶 傳見大吏

王君萬 傳見鞏昌府羣材

苗 授字受之潞州人熙甯中從王韶取鎮洮爲先鋒破香子城復與羌戰盡得河湟地鬼章寇河州韶授往一戰克撒宗論功第一遂知州事復知河州討生羌於露骨山斬萬級獲冷雞樸羌族十萬七千帳內附威震洮西徙知熙州元豐中取定西降戶五萬

甘肅新通志

卷五十七

職官志 名宦上

四

城蘭州遇賊數萬於汝遮谷登山逆戰賊夜遁去授踰天都山焚南牟屯凡師行百日轉鬪千里始入塞

景思立普州人以蔭主渭州治平砦以功知德順軍策應王韶取熙州過洮築當川堡克羌香子珂諾城遂定河州韶言其臨事忠勇擢河州刺史又兼河州團練使知其州青宜結鬼章舉兵襲殺伐木卒害小校七人以書抵思立詞不遜思立攻之於踏白城衆寡不敵兵敗死之

种 誼字壽翁洛陽人熙甯初從高遵裕復洮岷又平山後羌官至熙河副將使青唐董氈遣鬼章迎候境上取道故爲回枉誼固習其地里誚之曰爾謂我不知遠近耶改從便道遷本路都監自蘭州渡河討賊斬首六百元祐閒復以平夏人功進熙河鈐轄知蘭州蘭與通遠皆絕塞中間保障不相接腴田多棄不耕誼請城

李諾平以扼衝要從之

趙隆字子漸成紀人 傳見秦州羣材

劉仲武字子文成紀人 傳見秦州羣材

王恩字澤之開封人神宗朝爲河州巡檢羌夏寇蘭州恩搏戰城下中兩矢拔去復鬪意氣彌厲遷涇原將哲宗朝護秦渭延熙四路兵羌圍平夏恩設伏要其歸師果大獲詳見平涼名宦

李憲 傳見大吏

李浩字直夫西河人元豐中爲熙河鈐轄討山後羌至合龍嶺會戰遣降羌乞嗟輕騎突敵帳俘其酋冷雞樸等還安撫洮西五路大舉浩將前軍復蘭州徙知蘭州兼熙河涇原安撫大使

王文郁字周卿麟州新秦人元豐中爲熙河將討靈武文郁得羌戶萬餘遷鈐轄夏人圍蘭州已奪兩關文郁募死士夜縋而下持

甘肅新通志

卷五十七

職官志 名宦上

五

短兵突入賊卽埽營去擢知蘭州諜知夏人將大入清野以俟夏果舉國趨皋蘭文郁乘城禦之殺傷如積圍九日而解收其尸爲京觀後以副總管知河州築安西城金城關

王厚 傳見大吏

孫路字正輔開封人元豐中通判河蘭二州元祐初司馬光議棄河湟邢恕謂路嘗爲河蘭二州判官在彼四年可問也光卽召問路挾輿地圖示光曰自通遠至熙州纔通一徑熙之北已接夏境今自北關辟土百八十里瀕大河城蘭州然後可以捍蔽若捐以與敵則一道危矣光日賴以訪君不然幾誤國事後徙知熙州涇原城西安詔出師牽制其勢路卽將衆臨會州遂建取青唐之策

游師雄京兆武功人爲義州司戶參軍歷德順軍判官元祐初遷

軍器監丞吐蕃寇邊其酋鬼章青宜結乘閒脅屬羌搆夏人謀分據熙河詔遣師雄與邊臣措置便宜從事既至謀知夏人聚兵天都山前鋒屯通遠境吐蕃將攻河州師雄欲先發以制之力請於帥劉舜卿分兵二道姚兕將而左种誼將而右兕破六通宗城斬首千五百級攻講珠城斷黃河飛梁青唐十萬衆不得渡誼破洮州擒鬼章及大首領九人斬首千七百級捷聞遷陝西轉運判官又詳大吏傳

穆衍字昌叔河內人元祐初大臣議棄熙蘭衍以爲蘭棄則熙危熙危則關中震議遂止熙河分畫未決詔衍視之還言質孤勝如據兩川美田實彼我必爭之地請界二壘閒城李諾平以控要害及他城堡皆起亭障以通涇原明年遂城李諾平名日定遠衍遷左司郎中

甘肅新通志

卷五十七

職官志 名宦上

六

劉舜卿字希元開封人元祐初知熙州夏人聚兵天都山連西羌鬼章青宜結先城洮州將大舉入寇舜卿使姚兕部洮西嶺武勝兵合河州熟羌搆講珠城遣人間道焚河橋絕西援种誼部洮東由哥龍谷宵濟拜金川黎明至洮州城下一鼓克之俘鬼章並首領九人斬馘數千計遷馬軍都虞侯又見平涼府名宦

蔣之奇字穎叔常州宜興人元祐中知熙州夏人論和請畫封境之奇瑞其非誠務修守備謹斥堠常若敵至終之奇任夏人不敢犯塞

范育字巽之邠州人元祐中知熙州時議棄質孤勝如兩堡育爭之日熙河以蘭州爲要塞此兩堡者蘭州之蔽也棄之則蘭州危熙河有腰膂之憂矣又請城李諾平汝遮川日此充國屯田古榆塞地也不報入爲戶部侍郎卒紹興中採其抗論棄地及進築

之策贈寶文閣學士

种 樸誼之子紹聖中爲熙河蘭會鈐轄兼知河州安撫洮西沿邊公事河南蕃部叛屬羌阿章率他族拒官軍樸至州方二日以熙帥胡宗回迫之使出討遇伏首尾不相應樸力戰而死事聞贈樸雄州防禦使官其後十人

姚 雄字毅夫紹聖中知熙州 餘詳平涼府羣材

折可適 傳見大吏

劉 鈐 傳見大吏

苗 履授之子元符初爲熙河蘭會都鈐轄知蘭州詔同王瞻取青唐與姚雄合兵討崕羌鑿羅結與羌戰羌宵潰明日縱兵四掠焚其族帳而還

張叔夜字稽仲開封人元符間任蘭州錄事參軍州地極邊恃河

甘肅新通志

卷五十七

職官志 名宦上

七

爲固每歲冰合必嚴兵以備不釋甲者累月叔夜曰此非計也不求要地守之而使敵迫河則吾計殆矣有地曰天都者介五路間羌人入寇必先至彼點集然後議所向每一至則五路皆竦叔夜按其形勢畫攻取之策建爲西安州自是蘭無羌患

种師道徽宗時爲熙州推官尋知西安州夏人侵定邊砦築佛口城師道率師平之始至渴甚師道指山之西麓曰是當有水命工求之果得水滿谷遷知渭州又詳大吏

何 灌字仲原開封祥符人徽宗朝徙熙河都監改知岷州引邈川水溉田千頃湟人號廣利渠徙河州提舉熙河蘭湟弓箭手入言漢金城湟中穀斛八錢今西甯湟廓卽其地也葺渠引水使田不病旱則人樂應募而射士之額足矣從之甫半歲得善田二萬六千頃壯士七千四百人爲他路最

劉惟輔涇州人 傳見涇州忠節

高子孺狄道人 傳見本府忠節

金龐 迪字仲由延安人天眷中爲臨洮尹兼熙秦路兵馬都總管時隴右大饑流民四集迪開渠灌田流民利其食居民藉其力各得其所郡人立碑紀其政績大定初復爲臨洮尹

徒單合喜 傳見大吏

楊仲武字德威保安人皇統中同知臨洮尹先是羌人苦邊將貪暴相率爲寇掠仲武入其營諭之日將校侵漁汝等今已懲治並曉以禍福羌人喜悅寇掠遂息後仲武改河中羌復掠熙河詔復遣仲武比至諸酋驚喜乃折箭爲誓羅拜而去
移刺成本名落兀其先遼橫帳人也大定初爲臨洮尹招降喬家等族首領召拜樞密使

甘肅新通志

卷五十七

職官志 名宦上

八

陀滿胡土門字子秀貞祐三年知臨洮府事時夏人入寇圍臨洮土門夜襲其壘大捷夏人遁去正大末復爲臨洮總管元兵破臨洮土門被執誘之降不屈遂殺之

元祁 望西域人後居狄道 傳見本府羣材

趙 潘狄道人臨洮元帥歲饑發倉廩散籽種地當孔道傳置旁午供給不堪即以私馬百匹充又以己千羊代民輸帝酬值卒辭趙汝楫一名重喜潘之子 傳見本府羣材

著思吉巴延祐初爲河州吐蕃宣慰使置田贍學養育人才

傅夢臣至治二年由陝西行省宣慰使爲金州判官下車首興學校有治績賢聲著於時

田濟順泰定初爲臨洮府同知兼管本府諸軍奧魯勸農事廉愼不欺吏民畏服

祁安狄道人 傳見本府羣材

祁公哥朵只安之子 傳見本府忠節

烏馬兒西域人 傳見本府羣材

姚諒順帝至元初為蘭州知州創建學校

蒲察崧金城人 傳見本府鄉賢

金官卜金城人 傳見本府鄉賢

明馮勝 傳見大吏

張溫洪武初積功至天策衛指揮僉事從大軍攻下蘭州守之元將擴廓帖木兒率步騎襲蘭州奄至諸將請固守以待援溫曰彼遠來未知我虛實乘暮擊之可挫其銳倘彼不退固守未為晚也於是整兵出戰元兵少卻已而圍城數重溫斂兵固守敵攻不能下乃引去太祖稱為奇功

按臨洮府志韓溫傳洪武三年以指揮僉事守蘭州王保保攻之凡四閱

甘肅新通志

卷五十七

職官志 名宦上

九

月溫設方略固守無虞屢乘其怠擊破之蓋本明一統志然考明史太祖本紀洪武三年十二月庚寅擴廓帖木兒攻蘭州三年正月癸巳徐達為征虜大將軍四月乙丑大破擴廓於沈兒峪擴廓走和林張傳稱敵攻不能下者即是時也此後擴廓無再攻蘭州事黃諫鑄鼓吹言韓溫不言張溫舊通志載張溫不載韓溫與張名同官同時同事同疑係一人今依明史立張溫傳而附韓於溫事

朱有聞縣志作友文洪武初為天策衛知事時元兵乘夜梯城而登千

戶郭佑被酒臥他將巡城者擊退之圍既解張溫將斬佑有聞爭曰當賊犯城時將軍斬佑以令衆軍法也賊既退始追謬之無及於事且有擅殺名溫謝曰非君不聞是言遂杖佑釋之帝聞而兩善焉

于光字大用南康都昌人磊落有大志洪武二年為鷹揚衛指揮守鞏昌屢敗元兵及元兵攻蘭州光赴援至馬蘭灘戰敗被執以徇城下光大呼曰公等但堅守徐將軍將大軍旦夕至矣賊怒

批其頰遂被害

韋 正洪武初爲河州衛指揮使時河州新經擴廓之亂城邑空虛嘗奏民間轉輸甚勞而茶布可易粟請以茶布給軍令自相貿易省輓運之苦詔從之正日夜撫循軍民河州遂爲樂土

楊 廉洪武十八年任蘭州衛指揮僉事先是洪武五年宋國公馮勝西征指揮趙祥去城西七里造浮橋以濟師師還卽撤越四年衛國公鄧愈帥師定地復建橋於城西十里名曰鎮遠因而弗革廉泣任見河流湍急隄壩弗固移近城西北距金城關二百步橋南築小城中置門橋北因山爲城東西置門建樓其上橋之制聯巨舟二十四架以木梁棚以木板圍以欄楯墜以石籠兩岸樹鐵柱四鐵纜維之木柱四十五草麻纜維之後世稍違其制橋輒敗故永以廉爲法

甘肅新通志

卷五十七

職官志 名宦上

十

劉 釗南直隸全椒人洪武末以陝西都指揮同知鎮河州號令嚴明蕃族畏服永樂中領兵往烏斯藏賞諸國還遇蕃賊刦掠釗率衆破之在鎮三十餘年軍民安堵晉都督同知

張 忠字友直河南太康縣進士永樂初知蘭縣撫良善治奸慝邑戶不及千數而遞送夫役月以萬計忠奏軍民協同遞送遂減三分之二黃河浮橋歲修民多勞費奏行府屬縣衛所同造以紓民累民間水利多爲勢豪所奪忠奏歸原主在任六年多遺惠民宗德山東掖縣人永樂初知臨洮值旱禱雨三日不食已而大雨霑足

苗 旺南直隸碭山縣人永樂中以陝西都指揮同知守備蘭縣兼掌蘭州衛事有威名善恤軍士

周 麟字季祥山西臨汾人肅王府教授通五經尤精於性理啟

迪後學綽有模範段堅聊讓皆出其門後裔有家於蘭金者
卜 謙陝西按察使僉事宣德間按治於蘭督同守備等官撫民
繕兵城池公署祠廟多所建置興學拔士學士黃諫其選也

李 肅南直隸蘇州府舉人宣德間任蘭縣知縣勤慎有爲吏民
畏懷

戴 旺善騎射宣德間以陝西指揮同知守備蘭縣築關廂城郭
以資保障

曹 珍副千戶以功陞義衛司正善騎射知事體忠信明達肅藩
倚重之老而益慎

李 進山西大同縣人正統中以山東都指揮僉事守備蘭縣廉
能有爲建哨馬營於河北大岔口外築金城東西三關及北水門
展東門外新關造軍器每成以鐵錘試視堅脆利鈍爲賞罰又造

甘肅新通志

卷五十七

職官志 名宦上

十一

兵車三百餘乘上爲板屋前後左右爲傍牌圖狻猊形於上而洞
其口目以出火器每車神鎗十斬馬礮五九龍筒一五人一乘行
則衣糧附載之他有利於地方者罔不修舉致仕歸蘭人空城追
送至於隕涕

廖 莊字安實吉水人景泰中任大理寺卿以直諫謫河州定羌
驛丞天順元年陞刑部侍郎去之日軍民不忍舍於定羌寺豎碑
刻像以誌不忘

喬 義直隸獻縣舉人天順間任蘭縣知縣公廉明恕練達治體
尤致力水利勢豪不敢奪

張 銳直隸人天順間任蘭縣知縣勤幹有爲去後人多思之
何 信字文實信陽人初爲布政司吏成化中關中大饑信言於
布政使吳節畫策濟荒全活甚衆後爲渭源縣丞會御史行縣簿

尉以下皆跣足逐輿馬輒數十里信歎曰可以去矣遂棄官歸
熊 概字大節商城人成化間任臨洮知府地當甯夏河西之衝
二鎮諸務皆取辦於郡概悉心經畫咸中機宜

郭 縉山西夏縣人成化間奏設管理廣積倉河橋同知蓋自縉
始縉才力有爲爲上下所敬服

余子俊 傳見大吏

黃 端河南項城人成化十三年改蘭縣爲州端知州事公署學
校皆所創建事集而人不告勞

李用中字舜民四川彭縣舉人成化時爲蘭州學正學有根據樂
易可親充庚子科河南鄉試同考官以母老乞歸囊無餘資肅藩
奏爲左長史

陳 碁字伯高直隸清苑人成化時任臨洮府同知廉能清敏出
內有方奸竇盡革人不敢干以私胥役畏如神明

張 慶字景服直隸開州舉人成化時任臨洮府同知清慎精敏
政務克舉碁之後惟慶足以繼之後以憂去行李蕭然

謝 顯浙江會稽進士宏治初以廣西副使謫知蘭州盡心民事
知無不爲不以遷謫自懈

陳雲達河南陝州舉人宏治初任蘭州學正教法嚴整士類畏服
充浙江鄉試同考官雖禮幣亦不之受

張天錫直隸霸州進士宏治時爲蘭州知州愷悌宜民上下德之
李 紀山西潞州人宏治中以錦衣衛經歷陞臨洮知府廉明公
慎處事平恕念邊民寒苦噢咻如子歲饑捐俸以賑教士子先德
行而後文藝葺城建堞延袤數十里終紀任敵不敢犯邊去之日
囊篋蕭然百姓攀送塞途

吳璇字世美高唐人宏治中知河州以邊俗積玩首鋤強暴治民多惠政恩威並著軍民畏服

李杲山西洪洞人宏治中臨洮同知管蘭州倉場民歌之曰官攢無鼠偷監收得李侯收支不留難軍民兩下安草場失火民懼杲得罪爭爲償納其得人心如此

梁瑄宏治中任蘭州守備築東關外牆修西古城持身廉慎軍民皆愛戴之

龐通字時泰守備蘭州尚氣節不苟取與每督兵巡境外凡墩臺隘口可修置者必極力爲之

房懷字尚德貴之孫守備蘭州築河北邊垣修堡塹增馬匹掣回備禦官軍皆懷所建白總制楊一清甚倚重之檄修廟學尤盡心力

甘肅新通志

卷五十七

職官志 名宦上

十三

張敏浙江嘉興舉人宏治間爲蘭州知州明敏公愛且有經濟才一郡賴之

周璜任蘭州衛指揮同知尊賢好學在任二十餘年清屯田修衛局建社學奏免天下軍衛預備食糧後以都指揮僉事致仕

李鏜順天昌平州人爲肅藩長史輔導有方足爲楷模

丁濬字國器湖廣慈利舉人正德時任蘭州知州有政事才歲旱徒步禱雨浹旬蔬素雨至霑足乃已

李鈞山西太原舉人嘉靖中任蘭州知州路衝民疲鈞節省供億不少阿奉上官當時以廉直稱之

吉陳直隸開化人嘉靖十四年知河州清介自持請託不行時衛軍強橫咸正以法遠近懍然當道獎云嚴明之政大驚豪強清苦之操不殊寒士時論以爲實錄

楊繼盛字仲芳容城進士嘉靖中以兵部員外郎諫馬市貶狄道典史地雜番俗罕知詩書繼盛簡子弟秀者百餘人聘三經師教之公餘則進諸生講說文藝因購東山超然臺建書院鬻所乘馬及婦服裝市田二百畝以資諸生邑有煤山爲番人所據民仰薪二百里外繼盛召番人諭之咸服曰楊公卽須我曹穹帳亦舍之况煤山耶又引洮水灌地教民以織褐爲生居三年俗易風移士民愛戴已而鸞奸大露死帝乃思繼盛言四遷復至兵部卽上疏劾嚴嵩死西市穆宗立贈太常少卿諡忠愍

謝孟金 傳見大吏

李向陽 傳見大吏

原 森山西榆次舉人嘉靖四十五年任臨洮府同知清幹有才善決獄訟擢隴西僉事

甘肅新通志

卷五十七

職官志 名宦上

十四

張 翼莊浪人隆慶初河州參將治兵有紀律尤重民事與州守聶守中開渠灌田復於水靈寺口黃河補建摺橋以便往來徧行河北大通堡一帶相地設險修築邊牆威肅三軍恩被百姓

趙克懷 傳見大吏

聶守中直隸三河舉人隆慶中知河州預防外患建南關新城民稱不便者十九守中竟力築之後敵犯境賴以保障清丈田糧除豪滑嚴考課風清弊絕民至今懷思

暴孟奇 傳見大吏

夏 鏜字梅原四川大足舉人萬曆九年知臨洮府是時洮雖腹地而羌距河湟不遠鏜慮河湟危則洮必危請於當途議蓄客兵糧三千石草四萬束以備不虞後邊有警大濟軍需人皆服其先

識

郭宗賢 傳見大吏

岳維華字三峰曲周人萬曆十八年知臨洮府性鯁介不喜浮華政尚廉平而威足攝衆時火酋入犯人心危懼維華旦暮登城調度防守撫恤士卒不辭勞瘁敵掠四境復督遣民兵相機擊之城賴以全

孟孝臣山西榆次人蘭州參將樸質有膽略與士卒同甘苦萬曆十八年火落赤入寇渡大夏趨甯河孝臣奉檄應援大戰和政驛殺酋子把罕兔長及壻拜言他卜囊會霖雨浹旬總兵劉承嗣與虜戰於朱家山兵敗游擊劉子都等皆死承嗣被迫急孝臣力救得免

王聘賢 傳見大吏

毛鳳翼山東曲阜人萬曆二十年由拔貢知蘭州性清介不嗜玩

甘肅新通志

卷五十七

職官志 名宦上

十五

好不懼權貴革弊剔蠹竟不能大遂所願告病歸去之日行李蕭然士民悲悼

張棟直隸安肅人萬曆乙未進士任臨鞏兵備僉事爲人慷慨激烈下車練士卒明斥堠躬擐甲冑爲士卒先前後斬俘收降一千三百有奇擢副使以征番卒於蜀

荊州俊 傳見大吏

韓鑑字克明山西蒲州武舉人由千戶擢蘭州衛指揮持已廉慎嘗掘地得金日吾不敢以儻來之物遺患子孫遂付之有司

呂兆熊 傳見大吏

邢雲路 傳見大吏

張鶴鳴 傳見大吏

熊師旦 傳見大吏

國朝孟喬芳 傳見大吏

方若璫安徽桐城進士順治初以戶部員外郎督餉蘭州愍勲造士拓修學宮

毛一豸字香林山西澤州進士順治初以戶部員外郎督餉蘭州溫文儒雅獎掖士林善詩賦多題詠

趙 翀河南鄭州進士順治初任蘭州知州五年四月甘州逆回米喇印丁國棟等陷蘭州翀死之六年十一月贈官廕子

李絮飛 傳見大吏

白 旂順治五年任蘭州學正回變殉節

于明寶 傳見大吏

沈光禧字紫瀾浙江錢塘貢生順治九年任蘭州知州時回變甫定拯離散蠲徭役愛民造士有循良風

甘肅新通志

卷五十七

職官志 名宦上

十六

陳 倬 傳見大吏

毛一麟 傳見大吏

祁 彥 傳見大吏

吳延壽奉天廕生康熙二年任蘭州知州民貧賦逋嘗捐俸代完之

劉 斗 傳見大吏

孫際昌 傳見大吏

王之鯨湖北黃岡人康熙九年知金縣前令王鯤化以虧倉糧二千餘石繫獄逮役四十餘人追比待斃之鯨查邑有逃亡荒地捐備牛種給被逮諸役墾種計歲所獲除完糧外卽以貯倉三年盡償其數廩儲無缺鯤化得釋歸里諸役免罪時墾屯田多捏報民苦之乃力請蠲免歲饑民鬻子女者代贖之死不能殮者給以棺

建社興學善政最多金人勒石頌之

王思治 傳見大吏

季 佺字子雙直隸真定人康熙初爲西甯鎮標游擊吳逆變從提督張勇總兵王進寶恢復臨洮時軍務孔亟以佺有文武才奏授臨洮知府佺撫綏難民調停輓運事集而民不擾當地方甫定之日人皆服其才能兵民感頌

巴 錫 傳見大吏

索爾孫 傳見大吏

高錫爵字康侯奉天漢軍鑲黃旗人由蔭生康熙十八年知臨洮府直方明幹釐剔民累法行令止郡治肅然先是狄道有按丁加引包賠等賦因緣奸弊民不堪支錫爵奉委兼攝狄道未半載併入折色完納弊絕風清狄民賴之又有本邑豆糧向爲有力者居

甘肅新通志

卷五十七

職官志 名宦上

十七

奇壘斷錫爵白於上官許半入折色半輸本色縣產毛褐吏私抽稅錫爵罷之在任歷年築城垣濬洮水招徠安集民感其德立祠以祀

葉映榴 傳見大吏各屬通祀

葉穆濟 傳見大吏

郭景昌 傳見大吏

朱士華字復齋奉天靉陽蔭生康熙二十四年任蘭州知州愛民禮士藹若春風修輯蘭州志以培風化

王國瑛字扶袞奉天監生康熙二十四年任蘭州州判嘗再署州事潔己愛人政平訟簡所至民咸德之

張丕猷字允升山西絳州武進士康熙二十五年任蘭州衛守備災荒之餘勞心撫字詳革攤派清介自持聽訟尤明決旣去士民

立祠於城東門內

王遵訓 傳見大吏

色楞格 傳見大吏

齊世武 傳見大吏

魏 勳 傳見大吏

楊宗仁 傳見大吏

田呈瑞 傳見大吏

黃廷桂 傳見大吏

劉鶴鳴字壽之直隸定州監生乾隆八年任皋蘭縣事果斷慈祥吏民愛戴先是臨洮道田呈瑞案舊志所載城西五十里石佛灣開渠古蹟捐金疏濬未幾邊徼有事遂暫停之至是蘭復苦旱鶴鳴循其舊址成渠四十餘里引水東下旋以沙土積淤厥功弗究

甘肅新通志

卷五十七

職官志 名宦上

十八

論者惜之

尹繼善 傳見大吏

吳達善 傳見大吏

陳宏謀 傳見大吏

王 檢 傳見大吏

龔景瀚字海峰福建閩縣進士嘉慶五年任蘭州府 傳闕

周 礪江蘇常熟監生嘉慶十八年知皋蘭縣事道光元年再任蘭俗織羊毛爲褐無織棉布者礪出俸錢造紡車機杼數十具散給民間募客民婦能紡織者爲師以教之勤於學者獎厲之俗爲稍變

陳士楨字秋竹江蘇通州進士道光六年任皋蘭知縣黃河鎮遠橋冬冰即撤渡者用渾脫結筏然險甚士楨製大船二以渡之七

年秋河水氾溢洲中居民無所棲止呼號聲滿兩岸士楨設席棚
布帳賑以錢米徒步禱龍神祠水卽時退災民得慶更生其他清
庶獄興學校置義冢修鞏金橋除官園水患整頓普濟堂經費平
治縣東西驛路善政多端後遷蘭州知府爲政一如治縣時人稱
爲陳佛爺

張瑞珍

傳見大吏

以上府
名宦

秦蒙恬

傳見大吏

漢霍去病

傳見大吏

趙充國

傳見秦州羣材

辛慶忌

傳見本府鄉賢

竇融

傳見大吏

庫鈞

傳見前

甘肅新通志

卷五十七

職官志 名宦上

十九

來歙

傳見大吏

馬援

傳見大吏

馬武

傳見大吏

鄧訓

傳見大吏

侯霸

傳見大吏

馬賢

傳見大吏

霍諝

傳見前

魏蘇則

傳見大吏

晉車濟

字萬度敦煌人 傳見敦煌鄉賢

任蘭

傳見前

隋段文振

傳見大吏

唐崔知温

傳見前

薛訥 傳見大吏

蕭定 傳見前

宋苗 授 傳見前

种誼 傳見前

王恩 傳見前

李浩 傳見前

王文郁 傳見前

孫路 傳見前

游師雄 傳見大吏

穆衍 傳見前

范育 傳見前

种樸 傳見前

甘肅新通志

卷五十七

職官志 名宦上

二十

折可適 傳見大吏

苗履 傳見前

張叔夜 傳見前

高子孺狄道人 傳見本府忠節

金白 撒宣宗時朝議以蘭州當西夏之衝久為敵據將遣白撒復之白撒奏曰臣近入宋境略河池下鳳州破興元抵洋州而還經涉險阻數千里士馬疲敝未得少休而欲為是舉甚非計也不若息兵養士以備從之

元姚 諒 傳見前

明馮 勝 傳見大吏

張温 傳見前

朱有聞 傳見前

于光 傳見前

楊廉 傳見前

張忠 傳見前

苗旺 傳見前

周麟 傳見前

卜謙 傳見前

李肅 傳見前

戴旺 傳見前

曹珍 傳見前

李進 傳見前

喬義 傳見前

張銳 傳見前

甘肅新通志

卷五十七

職官志 名宦上

郭縉 傳見前

余子俊 傳見大吏

黃端 傳見前

李用中 傳見前

陳碁 傳見前

張慶 傳見前

謝顯 傳見前

陳雲達 傳見前

張天錫 傳見前

李杲 傳見前

梁瑄 傳見前

龐通 傳見前

房懷 傳見前

張敏 傳見前

周璜 傳見前

李鏜 傳見前

丁濬 傳見前

李鈞 傳見前

謝孟金 傳見大吏

李向陽 傳見大吏

原森 傳見前

趙克懷 傳見大吏

暴孟奇 傳見大吏

郭宗賢 傳見大吏

甘肅新通志

卷五十七

職官志 名宦上

孟孝臣 傳見前

王聘賢 傳見大吏

毛鳳翼 傳見前

張棟 傳見前

荊州俊 傳見大吏

韓鑑 傳見前

呂兆熊 傳見大吏

邢雲路 傳見大吏

張鶴鳴 傳見大吏

熊師旦 傳見大吏

湯名佚 戶部郎中 傳闕

孫名佚 戶部郎中 傳闕

國朝孟喬芳 傳見大吏

方若珽 傳見前

毛一豸 傳見前

趙翀 傳見前

李絮飛 傳見大吏

白旂 傳見前

于明寶 傳見大吏

沈光禧 傳見前

陳倬 傳見大吏

毛一麟 傳見大吏

祁彥 傳見大吏

吳延壽 傳見前

甘肅新通志

卷五十七

職官志 名宦上

劉斗 傳見大吏

孫際昌 傳見大吏

王思治 傳見大吏

巴錫 傳見大吏

索爾孫 傳見大吏

高錫爵 傳見前

葉穆濟 傳見大吏

郭景昌 傳見大吏

朱士華 傳見前

王國瑛 傳見前

張丕猷 傳見前

王遵訓 傳見大吏

色楞格 傳見大吏

齊世武 傳見大吏

魏勳 傳見大吏

楊宗仁 傳見大吏

田呈瑞 傳見大吏

黃廷桂 傳見大吏

劉鶴鳴 傳見前

尹繼善 傳見大吏

吳達善 傳見大吏

陳宏謀 傳見大吏

王檢 傳見大吏

龔景瀚 傳見前

甘肅新通志

卷五十七

職官志 名宦上

二十四

周礪 傳見前

陳士楨 傳見前 以上皋蘭縣名宦

宋高子孺狄道人 傳見本府忠節

元傅夢臣 傳見前

明李世傑 府志作士傑 山西清源舉人成化初知金縣甫下車首詢民隱

邑有見年例民苦不堪世傑請於上官立罷之廟學傾圮捐俸督修任五載遷甯波府判去之日士民如失慈母然

薛謙字益之北直隸舉人宏治間知金縣不攜眷屬從僕數人嘗自執炊日食不過百錢衣無錦綺人問之曰我食肉民餐風我衣帛民袒肉何樂乎有我初至時訟牘甚多日為剖決三年後訟庭寂然重修文廟常聚諸生講論士子尊仰之

張星字向一四川金堂舉人崇禎間知金縣值流寇猖獗據

城堅守賊數犯而城獲全以其暇建書院講學課士後晉深州知州邑人立有去思碑

國朝王之鯨 傳見前

魏 勳 傳見大吏 以上金縣名宦

秦蒙 恬 傳見大吏

漢李 廣隴西成紀人 傳見秦州羣材

霍去病 傳見大吏

馮野王 傳見前

馮 遂 傳見前

馬 援 傳見大吏

田 颯隴西長史中元二年秋燒當羌寇隴西塞謁者張鴻領諸郡兵戰於允吾唐谷軍敗鴻及颯皆歿

甘肅新通志

卷五十七

職官志 名宦上

二十五

馬 防 傳見大吏

張 紆 傳見前

馬 賢 傳見大吏

魏游 楚 傳見前

晉姚秦都隴西太守後秦永和元年與楊盛戰死

北魏辛 暢字幼達本郡人 傳見本府羣材

賀拔岳允弟神武尖山人普泰初行臺隴右初隴中猶有土人不順岳助侯莫陳悅所在討平之餘詳大吏傳

唐李 靖 傳見大吏

尉遲恭 傳見大吏

薛 訥 傳見大吏

郭知運 傳見安西州羣材

王 峻 傳見大吏

李 晟 傳見鞏昌府鄉賢

宋王 韶 傳見大吏

高遵裕 傳見大吏

張守約字希參濮州人神宗開拓熙河召問曰王韶能辦事否對曰以天威臨之當無不濟但董氈忠勤效順恐不宜侵逼因請名古渭為軍以根本隴右帝從之加熙河鈐轄仍統秦鳳羌率眾欲復舊地守約渡洮水擊破之斬馘甚多取窖粟食軍又見涇州名宦

王君萬秦州甯遠人 傳見鞏昌羣材

种 誼 傳見前

趙 隆字子漸成紀人 傳見秦州羣材

甘肅新通志

卷五十七

職官志 名宦上

劉仲武字子文成紀人 傳見秦州羣材

李 憲 傳見大吏

李 浩 傳見前

蔣之奇 傳見前

王 厚 傳見大吏

孫 路 傳見前

游師雄 傳見大吏

穆 衍 傳見前

劉舜卿 傳見前

范 育 傳見前

姚 雄 傳見前

劉 韜 傳見大吏

种師道 傳見大吏

何 灌 傳見前

劉維輔涇州人 傳見涇州忠節

張 浚建炎元年爲熙河幕官徧覽山川形勢輒與舊戍守將握手飲酒問祖宗以來守邊舊法及軍陣方略之宣故一旦起自疏遠當樞筦之任能通知邊事本末

吳擇仁字智夫興國永興人熙河路轉運判官從招討使王厚伐青唐有功

吳 璘字唐卿德順軍隴干人 傳見靜甯州鄉賢

金龐 迪 傳見前

徒單合喜 傳見大吏

楊仲武 傳見前

甘肅新通志

卷五十七

職官志 名宦上

一二十七

移刺成 傳見前

僕散揆本名臨喜其先上京人章宗時知臨洮府事以政績間

陀滿胡土門 傳見前

完顏胡失刺陝西宣撫使貞祐三年夏人陷臨洮被執不屈死

元趙 潘狄道人 傳見前

田濟順 傳見前

祁 安狄道州人 傳見本府羣材

祁公哥朵只安之子 傳見本府忠節

明馮 勝 傳見大吏

趙士能兗州人洪武中知狄道縣公勤廉明人稱有爲

蒲 昇臨朐人胄監洪武中爲狄道縣丞有善政陞嚴州府推官

林宗德 傳見前

劉昭潞城人宣德中爲臨洮尹多仁政士民歌之曰野有流民惟侯集之邑有田疇惟侯闢之古人謹獄惟侯哀之有此三惠孰不懷之

史宗禮解州舉人正統中知狄道縣公正廉勤陞江西瑞州知府耿九疇傳見大吏

張瓚山西陵川進士成化初知臨洮府事剛方平恕士民悅服去後有遺思云

李勛四川大定人成化三年由進士知狄道縣勤廉平恕作人課士科第奮起歲歉艱食設粥廠全活無數民爲建祠任滿囊橐蕭然不能歸遂僑居於狄

馬文升傳見大吏

熊概傳見前

甘肅新通志

卷五十七

職官志 名宦上

二十八

陳碁傳見前

張慶傳見前

李紀傳見前

李杲傳見前

車霆山西隰州進士宏治中爲臨洮守性直慧不拘小節多善政與上官語是非利害不少委曲或檄取郡中土產霆恐爲民累拒不應上官亦諒之

李錄臨邑人嘉靖十一年知臨洮府清操勤政喜作人召諸生掣籤課藝親爲品評由是士勤問學科第接踵

楊繼盛傳見前

謝孟金傳見大吏

暴孟奇傳見大吏

夏鏜 傳見前

郭宗賢 傳見大吏

岳維華 傳見前

王聘賢 傳見大吏

王一之直隸肅甯進士萬曆閒知臨洮府事泣官嚴正奸僧斂手時民苦褐稅及諸行役重一之罷稅減役民戴其恩

劉應聘字嗣谿山西翼城舉人萬曆二十一年守臨洮勤於政而尙寬造士講學終日不倦嘗購書三百餘部以給諸生值歲荒設廠煮粥每飯必親嘗歷五月全活千餘人

張棟 傳見前

王曰然湖廣醴陵舉人萬曆三十一年任臨洮知府嘗建筆峰塔於超然臺政績未詳

甘肅新通志

卷五十七

職官志 名宦上

二十九

荊州俊 傳見大吏

黃和山東沂州進士任臨洮府築文風墩於嶽麓山政績未詳陸敏捷字升之大同舉人萬曆閒爲狄道令才識諳練興利除害救荒多善政至今狄民有餘慕焉

邢雲路 傳見大吏

張鶴鳴 傳見大吏

冀懋中河南上蔡人天啟時知臨洮府時郡旱艱食懋中設法積穀開水利民食漸足立學校禁厚葬毀淫祠善政最多

崔俊山西翼城人崇禎中以明經爲狄道令時縣編櫃頭充其役者多至破家俊力革之寬賦役逃亡復歸卒無逋賦旋以艱去石應岷江南丹陽舉人崇禎十三年知臨洮府時遭奇荒盜賊蜂起應岷特嚴其法獲盜卽戮於其地寬徭息訟賑饑濟貧民賴以

安全

熊師旦 傳見大吏

祁賢 傳見西甯鄉賢 以上狄道州名宦

明王淑曾字永悔直隸長垣舉人天啟五年知渭源縣崇文興教經其指授皆蔚然可觀民罹法者多所哀矜獄無冤民遷渭橋於城東五里人不病涉及署狄道篆治行一如渭源民多圖像祀之王承惠河南蘭陽人崇禎時為渭源令潔清自守政尚寬和流寇犯境守禦不懈李逆陷長安分股竄渭城陷賊仍以渭令授承惠承惠厲色曰余奚忍違聖主而從賊乎賊嘉其義亦不加害去之日行李蕭然士民遮道挽留泣不忍別

國朝李 淦直隸定興人順治二年知渭源縣政尚平恕五年回變淦議守城奸民為賊內應遂被執淦罵賊不屈死之事 聞贈陝西

甘肅新通志

卷五十七

職官志 名宦上

三十

按察司僉事蔭一子

張宏斌江南吳縣人康熙十四年知渭源縣值亂離之後廬舍焚燬民皆逃亡宏斌日坐荒署夜宿城樓多方招徠哀鴻漸集時兵馬雲屯往來供應日不暇給而民無怨聲在任十年休養生息百

廢俱舉 以上渭源縣名宦

唐婁師德 傳見大吏

安敬忠開元中為會州刺史時河流橫浸州城敬忠率兵作堰於是水西北流免衝決患

宋章 棨 傳見大吏

姚雄 傳見平涼府羣材

郭祖德為會州統制兵馬築堡保障軍民懷思

金郭蝦蟆會州人 傳見鞏昌府鄉賢

郭斌 傳見鞏昌府忠節

明房 貴寧夏人正統二年為靖虜衛守備建置城垣公廨墩塘事竣奏設學校倉場驛遞又奏取楚府牧軍七百以資戰守百務聿舉事妥而人皆安厯二十年都御史耿九疇薦擢署都指揮使天順三年乞休遂籍於衛

呂 恆山東舉人萬厯四十年任靖遠同知時衛中武勳子弟類多驕橫恆至繩以禮法悉歸於正尤好作育人材土風丕振開三灘水地三百五十餘頃利賴無窮百姓頌之

邢玠 傳見大吏

田 選山西汾州人由選貢任靖遠同知下車值歲荒勸民出粟開倉煮粥躬親給散清勘屯田豪猾兼併詭寄者悉為釐正

縣名

以上靖遠

甘肅新通志

卷五十七

職官志 名宦上

三十一

漢李 息 傳見大吏並慶陽府羣材

趙充國 傳見秦州羣材

馬 援 傳見大吏

鄧 訓 傳見大吏

馬 賢 傳見大吏

夏侯淵 傳見大吏

晉張 駿 傳見志餘

張重華 傳見志餘

隋段文振 傳見大吏

劉 權 傳見大吏

唐李 靖 傳見大吏

尉遲恭 傳見大吏

王忠嗣 傳見大吏

哥舒翰 傳見大吏

宋王 韶 傳見大吏

王君萬甯遠人 傳見鞏昌府羣材

苗 授 傳見前

景思立 傳見前

种 誼 傳見前

趙 隆字子漸成紀人 傳見秦州羣材

劉仲武字子文成紀人 傳見秦州羣材

王 恩 傳見前

李 憲 傳見大吏

李 浩 傳見前

甘肅新通志

卷五十七

職官志 名宦上

王文郁 傳見前

蔣之奇 傳見前

王 厚 傳見大吏

孫 路 傳見前

游師雄 傳見大吏

穆 衍 傳見前

劉舜卿 傳見前

范 育 傳見前

种 樸 傳見前

姚 雄 傳見平涼府羣材

劉 韜 傳見大吏

王 瞻河州志甯遠人 傳見鞏昌府羣材

苗履 傳見前

种師道 傳見大吏

何灌 傳見前

劉維輔涇州人 傳見涇州忠節

金楊仲武 傳見前

元欽察臺仁宗延祐初以駙馬平章爲河州吐蕃宣慰使嘗修宣聖殿閣廊廡及繪塑賢哲

著思吉巴 傳見前

明鄧愈 傳見大吏

韋正 傳見前

徐景鳳陽壽州人洪武十二年詔改河州府縣爲軍民指揮使司以景陞指揮使安撫黎庶訓練兵戎皆有法則舊城卑隘景廣

甘肅新通志

卷五十七

職官志 名宦上

三十三

大之

劉釗 傳見前

蔣斌徐州人景泰中以都指揮同知鎮守河州好讀書善撫軍士

周甯河南睢州舉人成化乙未年知河州剛毅有守修舉廢墜學校公署多所營建政聲甚著

吳璇 傳見前

高宏山西人司鐸河州尊嚴有度尤博學善吟一時人材多所成就

馬文河南陝州舉人正德壬申年任河州學正善教人清以礪俗廉頑立懦士風大振尋陞東昌府教授

吉陳 傳見前

任 官直隸獲鹿舉人嘉靖癸卯年任河州爲政敏幹事無科擾
去任數年士民稱之不絕

蘇志皋直隸固安人嘉靖丁未年知河州留心政務雖由左遷未
嘗怠事時方饑饉盜賊蜂起志皋破格賑濟多所全活獲盜則重
法治之地賴以安謐

劉 卓直隸清苑舉人嘉靖庚申年任河州祀名宦事蹟失考

張 翼 傳見前

聶守中 傳見前

夏 鏗 傳見前

耿德章直隸靈壽舉人萬曆十四年知河州開濬水渠民享其利
庚寅歲火酋入犯德章率民守禦賊知有備三日斂兵去士民安
堵

甘肅新通志

卷五十七

職官志 名宦上

三十四

陳文焯江西臨川舉人萬曆三十年知河州捐俸建社學購腴田
五百畝有奇給民耕種歲收其入以贍貧士

國朝魏 勳 傳見大吏

以上河
州名宦

平涼府

漢王 尊字子贛涿郡高陽人少爲獄吏獄事辦去學尚書論語通大義察廉補縣長徵舉直言遷號令高第轉安定太守出教告屬縣令長丞尉正身率下故行貪鄙能變更者與爲治明慎所職毋以身試法又敕掾功曹各砥礪助治其中用趣自避退毋久妨賢五官掾張輔貪污不軌捕繫獄數日死盡得其奸贓威震郡中盜賊分散

蕭 由字子驕杜陵人前將軍望之子爲丞相西曹掾舉賢良累遷安定太守治郡有聲公卿多稱薦之

張 奐 傳見安西州鄉賢

晉賈 疋 傳見涼州府鄉賢

姚碩德興之叔父也萇卒興以碩德鎮陰密將佐言於碩德曰公

甘肅新通志

卷五十七

職官志 名宦上

三十五

威名宿重部曲最强今喪代之際朝廷必相猜忌非永安之道宜奔秦州觀望事勢碩德曰太子志度寬明必無疑阻今苻登未滅而自尋干戈所謂追二袁之蹤授首與人吾死而已終不若斯及至興優禮而遣之鎮

北魏盧道裕字甯祖涿州人伯源孫少以學行名尙獻文女樂浪公主拜駙馬都尉遷涇州刺史吏民愛之

費 穆字朗興代人宣武初爲涇州長史時刺史皇甫集恃外戚多爲非法穆正色諫集憚之轉安定太守後蠕蠕王婆羅門歸降其部衆因饑侵掠邊邑詔穆銜命宣慰便皆款附明年復叛入寇涼州除穆西北道行臺往討穆至涼州蠕蠕遁走穆簡練精騎伏於山谷使羸劣之衆爲外營以誘之賊騎競至穆縱伏奮擊大破之

竇熾字光成扶風平陵人大統中爲涇州刺史政號清靜泣職數年除原州刺史抑挫豪右申理幽滯政暇則親巡隴畝勸民耕桑在官十載甚有政績州城北有泉水熾屢經游踐因酌水曰吾在此州惟當飲水而已及去後人感其遺惠每至此泉莫不懷之

李賢 傳見秦州羣材

李遠 傳見秦州羣材

周于翼字文若代人周閔帝時爲渭州刺史翼兄寔先泣此州頗有惠政翼又推誠布信夷夏感悅比之大小馮君焉

隋元 褒 傳見大吏

趙軌洛陽人衛王爽爲原州總管軌爲司馬在道夜行其左右馬逸入田中暴人禾軌駐馬待明訪知禾主酬值而去原州吏民聞之感勵莫不改操

甘肅新通志

卷五十七

職官志 名宦上

三十六

唐劉感岐州鳳泉人武德初以驃騎將軍戍涇州爲薛仁果所困糧盡殺所乘馬啖土而煮骨自飲和木屑食之長平王叔良救之與叔良出戰爲賊所執令感約城中降感佯諾至城下感大呼曰賊大饑亡在朝暮秦王數十萬衆且至勉之無苦仁果怒執感埋其半土中馳射之感至死罵益甚賊平高祖購得其尸祭以少牢

贈瀛州刺史

馬璘 傳見大吏

李晟 傳見鞏昌府鄉賢

段秀實 傳見涼州府鄉賢

馮河清 傳見大吏

姚况建中時領涇州事德宗狩奉天况與馮河清聞之集將士激以忠義發甲兵輸行在所詔况爲行軍司馬

李元諒 傳見崇信名宦

裴 識 傳見大吏

劉 昌 傳見大吏

郝 玘 傳見大吏

朱忠亮 傳見大吏

周 寶 傳見大吏

五代王 殷大名人晉天福中拜原州刺史殷事母以孝聞欲與人游必先白母母所不可者即不敢往及爲刺史政事有小失母輒責之殷即取杖授婢僕自笞於母前

趙 遠幽州人初充六軍判官歷涇州判官居官清廉民懷其政宋白重贊憲州人習古兵法嫻於將略知涇州涇人賴以安靖

孫繼鄴金陵人涇原路副都總管兼知渭州建言蕭關故道前控

甘肅新通志

卷五十七

職官志 名宦上

三十七

大川賊騎所出誠得屬羌與奉賜且羈其帥長使爲藩籬則可無西顧之憂矣

張齊賢 傳見大吏

趙昌言字仲謨汾州孝義人知涇州當官無所顧避以威斷立名太宗嘉之

李繼隆 傳見大吏

李繼和 傳見大吏

薛 奎字宿藝絳州人至道咸平中任義州推官嘗部民夫運糧至鹽州會久雨粟麥浥腐奎白轉運使盧之翰縱民還州而償所失翰怒欲劾之奎徐曰用兵久人疲轉餉今幸兵食有餘安用此陳腐以困民奎在郡凡不便於民者皆奏除之

柴禹錫 傳見大吏

陳興 傳見大吏

曹瑋知鎮戎軍以軍據平地便於騎戰非中國之利請自隴山以東循古長城塹以爲限又以弓箭手皆土人習障塞蹊隧曉羌語耐寒苦官未嘗與兵械資糧而每戰輒使先拒賊恐無以責死力遂給以境內閒田春秋耕斂而蠲其租李繼遷死其子德明請命於朝瑋請以精兵出不意禽德明送闕下復河西爲郡縣帝不許旣而數大族拔帳來歸瑋曰德明野心急折其翮卽日將其土薄天都山受降者內徙德明不敢拒瑋嘗上涇原環慶兩道圖帝敕別繪二圖一留樞密院一付諸將按圖計事復爲涇原路都鈐轄兼知渭州隴山諸族皆來獻地築堡山外爲隴干城募土兵守之曰異時秦渭有警此必爭之地餘詳大吏

陳堯佐字希元閬中人知渭州有惠政邊境賴以安

甘肅新通志

卷五十七

職官志 名宦上

三十八

張綸 傳見大吏

盧鑑字正臣金陵人知義州有德政李繼遷聲言欲襲義之制勝關諜者以告詔徙老幼芻粟於內地鑑曰此奸謀也徙之是示敵弱搖民心不敢奉詔卒不徙已而賊亦不至

陳貫字仲通河陽人知涇州督察盜賊禁戢遊閒檢飭簿書筦庫賦稅出入謂僚屬曰視縣官物如己物容有奸乎州人憚其嚴明擢利州路轉運使歲饑出職田粟賑饑者又帥富民令計口占粟悉發其餘

范祥 傳見大吏

王仲寶 傳見大吏

侯可字無可華陰人簽書義州判官西夏寇邊可以數十騎涉夏境按視猝與敵遇亟分共騎爲三四令張旗幟旋山徐行夏人

疑以爲誘騎不敢擊人服其

程 戡字勝之許州陽翟人少力學舉進士知渭州陝西有保毅軍人苦其役戡奏曰保毅在鄉 外不點而有籍所以佐邊備也已隸保捷而保毅籍如故州縣以供力役率困憊至破析財產售田者猶數戶出一夫民不勝苦因詔私役保毅者以計傭律坐之進樞密直學士

鄭 戡 傳見大吏

劉 滄字子濬保塞人康定中爲渭州瓦亭砦監押擊破党留等族獲牛馬萬計時任福敗邊城晝閉居民畜產多爲賊掠滄獨開門納之全活甚衆西南有水洛城川平土沃又有水輪銀銅之利環城數萬帳漢民逋逃者歸之教以百工商賈自成完國滄進城章川收善田數百頃以益屯兵密使人說城主鐸廝那令內附會

甘肅新通志

卷五十七

職官志 名宦上

三十九

鄭戡行邊滄遂致鐸廝那族帳以水洛地來歸戡令滄將兵受之驅其衆隸麾下以通秦渭之路遷內殿崇班戡又遣董士廉率兵助築城會戡罷涇原帥以爲不便令罷築滄不聽上遣使往視以滄權水洛城砦主城成尋復內殿崇班滄卒番漢留葬水洛建祠立碑記事經略言熟戶蕃官願得滄子弟主其城乃以其弟滄監水洛城兵馬後賜廟額曰忠勇贈忠烈侯

尹 洙字司魯河南人葛懷敏韓琦范仲淹經略涇原皆以洙爲判官後歷知涇州渭州自元昊不庭洙在兵閒最久於西事尤習其爲兵制之說述戰守勝敗盡當時利害

滕宗諒字子京河南人知涇州葛懷敏敗於定川諸郡震恐宗諒顧城中兵少乃集農民數千戎服乘城又募勇敢諜知寇勢檄報旁郡使爲備會范仲淹自環慶引蕃漢兵來援宗諒乃大設牛酒

犒師又籍定川戰歿者祭酬之厚撫其妻孥於是邊民以安
王珪 傳見涇州將才

劉謙字漢宗開封人涇原路總管兼知涇州會敵犯鎮戎軍謙
引兵深入敵境破其聚落而還以功擢龍神衛四廂都指揮使
張亢字公壽臨濮人尚節義通判鎮戎軍因論西北攻守之計
仁宗欲用之會以憂去及元昊反起爲涇原路兵馬鈐轄知渭州
上言設官屯兵之策甚悉創建砦堡修飭軍政邊方倚以爲重復
爲涇原路總管知渭州好施輕財凡燕犒餽遺皆過厚以此人樂
爲用屢立大功

安俊 傳見大吏

段少連字希逸開封人范仲淹薦少連才堪將帥遷龍圖閣直學
士知涇州少連通敏有才斷決如流士民畏服改知渭州命未至
而卒

甘肅新通志

卷五十七

職官志 名宦上

四十

蔡延慶字仲遠萊州人歷知渭州夏人禹臧苑麻疑宋謀伐之使
人人塞賣馬爲閒吏執以告延慶曰彼疑故來覘執之是成其疑
約馬直授之使去疆吏掠夏畜牧戮諸境以告夏曰兩境不相侵
則安故戮以戒若有之亦當爾也夏人悅服

尹源字子漸河南人通判涇州徙慶州元昊寇定川堡大將葛
懷敏救之源遣懷敏書宜駐兵瓦亭擇利而動懷敏不聽果敗弟
洙亦知涇州

王素 傳見大吏

劉舜卿字希元開封人父鈞監鎮戎兵馬慶歷中與子堯卿戰死
於好水舜卿年十歲錄爲供官後知水洛城神宗方經略西夏
近臣有薦其能者召問狀對曰自元昊稱臣秦中不復戒嚴今宜

先自治帝善其議又歷知原渭二州曉吏事善料敵又見蘭州府名宦

劉 庠字希道彭城人仁宗初上禦戎策宜示大信捨近功爲國家長利元祐時加樞密直學士知渭州邊人受其惠政卒於官人咸思之宣仁太后聞之日帥臣極難得劉庠可惜也

盧 秉字仲甫德清人神宗時知渭州五路伐夏惟涇原有功夏境葫蘆川距塞二百里秉遣將姚麟彭孫襲之俘斬萬計遷龍圖閣直學士夏酋仁多嵬丁大舉入犯熙河定西城秉治兵瓦亭分兩將駐靜邊皆待其還縱擊之皆奔潰或言嵬丁已死有識其衣服者諸將請以聞秉曰幕府上功患不實吾敢以疑似成欺乎他日物色之嵬丁果死詔褒賜服馬金帛秉守邊久表父革年老乞歸行三驛復詔還渭慰藉優渥革聞亦以義止其議

甘肅新通志

卷五十七

職官志 名宦上

四十一

姚 麟 傳見本府羣材

劉仲武 傳見秦州羣材

呂大忠藍田人紹聖二年知渭州奏言關陝民力未裕士氣沮喪非假之歲月未易支吾爲章惇所嫌坐降待制爲政寬厚不求近功去任民思之

种 古字大質世衡子涇原路都監知原州時羌人犯塞古禦之斬級數百築城鎮戎之北以據要害朝廷嘉之民有損直鬻田於熟羌以避役者古按其狀得良田三千頃丁四千皆刺爲民兵後徙知鎮戎軍熙河師十萬道境上古皆給以芻糧僚佐以他路爲言古曰均王師也何以彼此爲言哉

張守約 傳見涇州名宦

蔡 琕字子政宋城人范仲淹宣撫陝西河東奏挺通判涇州神

宗初由慶州移知渭州籍禁兵悉還府不使有隱占建勤武堂五日一訓練偏伍鈺鼓之法甚備蒐勁卒爲奇兵別爲一隊甲兵整習常若寇至又分義勇爲伍番三千人參正兵防秋與春餘任耕守省歲費十之二

李復圭字審言徐州豐縣人爲度支判官知涇州始三司折輸二稅以重估轉運使又復折之復圭爲奏免民立生祠

和 斌字勝之濮州鄆城人爲德順軍指揮使凡五年數扞敵被重創十餘徙涇原鈐轄台對時議者謂交州可取斌盛言有害無益願陛下戒邊臣無妄動神宗歎其質直時渭部饑帥王廣淵命吏賑給斌曰救之無術是殺之耳廣淵以委斌斌擇地營居養視有法所活萬計斌老於爲將以恩信得邊人心

劉昌祚 傳見涇州將才

甘肅新通志

卷五十七

職官志 名宦上

四十二

游師雄 傳見大吏

周永清字肅之靈州人爲渭州鈐轄渭兵勁而陳伍不講永清訓以李靖兵法蔡挺嘉其整圖上之詔推於諸道以爲式旣而知德順軍夏衆入犯擊擒其酋呂效忠又募勇士夜馳百里擣賊巢穴斬級三百俘數千人獲橐駝甲馬萬計並砦地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力

毛 漸 傳見大吏

姚 雄 傳見本府羣材

王 恩字澤之開封人爲涇原將整軍出萬惠嶺士飢欲食恩倍道兼行已而遇敵數萬恩先引兵入壁井竈皆具諸將始服羌扣壁願見恩單騎徑出遙與語一夕羌引去哲宗召見語左右曰先

帝時宿衛人皆傑異如此出爲涇原副總管城西安築臨羌天都十餘壘禦夏人改知渭州分弓箭士爲三十一部耕屯以省餽餉時邊城獻車戰議帝以訪恩恩謂非宜詔罷之又見蘭州府名宦章 竦字質夫在涇原四年凡創州一城皆九薦拔偏裨不閒廝役如夏降人折可適李忠傑朱智用咸盡其力夏人遂衰屢請和漸寢兵竦立邊功爲西方最餘詳大吏

种師道傳見大吏

李 嘉開封人建炎中知彭陽縣金陷關陝與民徙治境上被執金人欲以爲官固辭不受

朱友恭西安人爲涇原將禦金人於華亭數有功金兵大集友恭力戰不勝被執金人愛其勇欲降之友恭不屈遂遇害

金石盞女魯歡 傳見大吏

甘肅新通志

卷五十七

職官志 名宦上

四十三

愛 申 傳見大吏

趙得亨爲靈臺縣尹建立學校甚有政績

元劉 炳傳見崇信名宦

明王 軫洪武初崇信知縣值鼎革之時安集人民創建城社立新政皆足爲後式

歐陽信字有孚定遠人洪武四年知靜甯州創建郡治規模宏遠盡合時宜半載郡大治

顧 佐字禮卿河南太康人洪武末知莊浪縣廉能有惠政民頌其德守將初以不嫻武藝易之會端陽聚射佐持弓矢連發三中守將奇之尋擢侍御史歷左都御史剛正執法百寮畏服勳貴斂手人擬之包孝肅云

張 鏞肥鄉人永樂閒以御史知平涼府事下車訪利病得失鋤

強暴綏善良闔郡畏威感德

李 著山東濮州人成化初知平涼府吐蕃乜理哈爲其部所逼欲爲亂總帥制之不下曰得平涼李公來乃降大臣檄著往皆相率歸命滿四據石城以叛命都御史項忠討之時軍興乏糧忠雅知著命備熟糗千石著請於韓王命護衛軍造糗如期而集

靳 善字宗元山東鉅野舉人成化初知靜甯州端方持已剛果有爲郭外有棄地久爲衛卒侵耕自肥前後守者莫敢問善至即申撫司還地於州令民耕之收其入爲公需名曰義田

祝 祥字廷瑞浮梁人初爲監察御史言事被謫成化十一年知靜甯州有治才歷任九載勸農興學政績顯著歲饑出倉賑濟全活甚衆後陞汝甯知府

徐 鏞字用和興國州人成化二十一年謫鎮原值歲大饑請於

甘肅新通志

卷五十七

職官志 名宦上

四十四

上發帑賑濟躬閱分給流移聞風歸附擇便舍薪水煮粥以飼疫大作命藥調治賴以全活者萬計死者設義塚掩之造水車百餘輛汲水灌田再歲災益甚盜賊四起鏞擇壯士數百嚴什伍整甲仗且撫且捕境內宴然是歲春築預備倉牆獲藏錢數十萬緡一無所私以是錢償逋負買牛佐耕賃工休力邑政咸舉尋調臨潼鎮原民數千泣送之歷陞漕運都御史民爲立祠

車 霆宏治中知平涼府事嚴以馭吏宗室不能干以私其守臨洮亦類此後陞參政又見洮州名宦

孫 侃平定州人宏治十六年知平涼縣事政教有方

楊 宏 傳見固原州將才

張守亨潁州衛人正德間知華亭縣剛方簡易決獄如流縣依山險多盜守亨設計擒其渠魁盜遂息每春秋政暇循行郊野勸民

耕作有不給者補助之月朔禮請耆民訪求閭閻利病即次第興除嘗大旱步禱甘雨如注歲大稔

劉大武 傳見靈臺名宦

吳 連平定州人正德十一年任平涼府同知行縣至華亭適華亭有警民久不知兵懼雉堞頽圯咸謀夜遁西山連令曰敢私下城者斬衆乃止堅壁晝夜徒行巡視數日敵解去城居無事民咸頌之曰吳公生我

姚汝耔河南襄城舉人嘉靖三十二年知平涼府精吏事無滯獄宗室訐奏使者捕治猶忿爭衆黨十餘相詬鬪宮府盡闔汝耔肩輿出喻衆咸聽命三十四年冬地大震城垣盡摧城中及山居穴處死者數千人情震恐羣盜謀行劫汝耔晨出省視陽如平常衆乃定踰年正月朔東方旅人至者備言潼關蒲華危亂盜遂洶洶

甘肅新通志

卷五十七

職官志 名宦上

四十五

以賀正爲名縱火城郭凡十餘處汝耔往來赴救火皆熄司氏軍號衆曰反且殺守令汝耔令衆執之合圍而唱杖者凡百聲尋令曰曳以飼狗衆應曰諾亂者喘息卒無事踰旬司氏軍居處如故乃悟汝耔權道安衆實未嘗箠死一人

于 玘字子珍東阿舉人嘉靖二十六年知靜甯州以廉明著三
十三年陞平涼府同知政先教化令行禁止道不拾遺時大侵民相食請賑發倉按籍賑貸全活數萬人韓府宗室不法至聚衆毆擊別駕囚之別室玘至以法曉譬諸宗悚懼而解大猾高良據清平萬安二苑牧地投獻慶府暴橫苑民莫敢制玘單車入壘誘良出見縛之部使上其治行

李 槃字用甫浙江餘姚人萬曆十九年知鎮原縣補南河頽城之缺增北山舊城之薄開東濠遶城之水重建公廨修理學宮教

民織褐種樹設保甲行鄉飲善政畢舉邑人戴德

喻三元字少極江西豐城人萬曆二十二年知平涼府沈毅廉靜勇於任事初至郡值敵犯靜甯固原三元悉心防禦頒布保障條約遠邇戒嚴民恃以無恐首禁宗藩請託諭令修禮義以重廉隅條議獎賢宗以勵不肖宗姓斂避不犯創行條鞭以蘇民困裁冗費汰冗役斷疑獄懲豪橫免贖鍰崇禮讓臺省監司咸重之

李圭山西安邑人萬曆中知華亭縣蔬食布衣一介不取以禮讓化民三年民相勸無訟陞真定府同知民皆號泣以送天啟改元詔舉有宦績者直指楊某奏允入祀

范立朝臨川人天啟中知平涼府爲政平恕人有犯法者以理誨諭使自愧悔然後以薄刑示懲強宗大姓奸吏猾胥無不感服韓王出所藏故敕云欽賜田地凡數里盡負郭腴壤時多在民間欲

甘肅新通志

卷五十七

職官志 名宦上

四十六

奏請攘之諸院司已從知立朝不可以私干乃設宴從容微語立朝即正色起曰某爲朝廷守土身可死不敢以寸壤許人退力求去位其事遂沮

顏日愉字陽華浙江上虞舉人知靜甯州會囉賊反所至焚劫日愉馳報請固鎮五道兵而先率敢死士數人陽爲招撫乘賊不備遂引精兵五百直陷賊營設左右伏賊倉皇失措斬首數百天明五道兵繼至殲之靜甯安堵尋遷南陽知府賊陷城殉難

何相劉乾州人崇禎間華亭訓導寇至教諭鄒某援曾子居武城之義欲去相劉止之曰吾與若受命司鐸即臣也豈可以未臣之師例之因率士死守城陷偕鄒俱死事聞旌其烈贈國子監學錄簡仁瑞字季麟四川成都人崇禎間知平涼府潔已愛民癸未冬李自成破潼關藩郡諸王與分司協鎮謀遠遁仁瑞知之即說韓

王同死社稷不聽是夜兵鼓譟挾諸藩郡斬關而出仁瑞集少年技勇撤四關居民入城死守盡出其橐散給廝役召所活冤囚數輩謂曰吾爲朝廷守土義與此城存亡但不可絕先人嗣吾有一子汝輩爲我衛送出城眾皆諾詰晨賊騎薄城隨有士民撰降文請仁瑞簽名仁瑞大怒服衣冠自經於堂上

國朝葉映榴 傳見大吏各屬通祀 以上平涼府名宦

漢張 奐 傳見安西州鄉賢

北魏于 翼 傳見前

唐劉 昌 傳見大吏

朱忠亮 傳見大吏

宋孫繼鄴 傳見前

曹 璋 傳見大吏

甘肅新通志 卷五十七 職官志 名宦上

陳堯佐 傳見前

張 綸 傳見大吏

夏安期德安人仁宗時知渭州籍塞下閒田募人耕種歲得穀數

萬斛以備賑發名曰貸倉

程 戡 傳見前

劉 滄 傳見前

尹 洙 傳見前

狄 青 傳見大吏

蔡延慶 傳見前

王 素 傳見大吏

盧 秉 傳見前

呂大忠 傳見前

蔡挺 傳見前

劉昌祚 傳見涇州將才

周永清 傳見前

章粲 傳見大吏

金石盞女魯歡 傳見大吏

明孫侃 傳見前

簡仁瑞 傳見前 以上平涼縣名宦

宋薛奎 傳見前

盧鑑 傳見前

侯可 傳見前

游師雄 傳見大吏

朱友恭 傳見前

甘肅新通志

卷五十七

職官志 名宦上

四十八

金安師雄皇統中知華亭縣有德政屢歲大旱加以師旅民不堪命師雄下車卽禱雨已而甘霖三日秋大熟民因作記及歌以頌之

明張守亨 傳見前

吳連 傳見前

李圭 傳見前

國朝楊榮允山西陽城進士順治四年任華亭縣坦易近人謙恭禮士每談經校藝夜分不倦民有訟迎刃立解凡掣肘事悉以身任毫不病民善催科吏胥宿弊爲之一清在任七年循績茂著 上嘉之擢天下卓異第一陞工部主事民爲建祠立碑以紀之

佟希堯遼東人順治十年由貢生任華亭縣補葺城署捐貲重修

廟學始輯縣志民咸稱之 以上華亭縣名宦

宋曹瑋 傳見大吏

韓琦 傳見大吏

任福 傳見固原州將才

王珪 傳見涇州將才

武英 傳見涇州將才

桑懌 傳見固原州將才

耿 傳字公弼河南人祖昭化爲蜀州司戶參軍蜀盜據城昭化大罵支解而死傳喜俠尚氣以父廕爲三班奉職督陝西糧饋元昊來寇參任福軍事諸將失利好水川武英朱觀謂傳曰英觀當死戰君文吏奈何枉死傳不聽指揮前戰被數創乃死詔贈右諫議大夫

趙 津渭州都監任福好水川之敗以華亭二千騎來援戰歿

劉滄 傳見前

甘肅新通志

卷五十七

職官志 名宦上

四十九

苗 授字受之潞州人父京慶曆中以抗元昊死授從胡翼之學補國子生以廕至供備庫副使香子城之役授爲先鋒王韶遣將田瓊爲援瓊死乃簡騎五百屬授授奮擊破羌敗之斬首四千餘級三遷西上閤門使知德順軍歷進保康節度贈開府儀同三司諡莊敏

周永清 傳見前

王 友巡檢德順軍元豐七年六月夏人寇德順友死之

游師雄 傳見大吏

金愛 申 傳見大吏

任天寵明昌中爲威戎令縣故堡寨無文廟學舍天寵以廢署建有兄弟訟田者天寵諭以義理委曲周至皆感泣而去

明歐陽信 傳見前

蓋 璉字舉遠山西絳州人景泰五年由鄉舉知靜甯州事故志稱其公明廉慎人心悅服天順初重修州城增築外垣周六百丈有奇及東西月城鏤板武侯新書於學宮其為政得大體如此

祝祥 傳見前

顏日愉 傳見前

向 侃南直隸巢縣人由鄉舉宣德中判靜甯州事廉能幹濟撫民有方正統元年擢浙江道監察御史

以上靜甯州名宦

宋曹 璋 傳見大吏

韓 琦 傳見大吏

范仲淹 傳見大吏

任 福 傳見固原州將才

王仲寶 傳見大吏

甘肅新通志

卷五十七

職官志 名宦上

五十

王 珪 傳見涇州將才

武 英 傳見涇州將才

桑 懌 傳見固原州將才

耿 傳 傳見前

元廉希憲 傳見大吏

趙 炳 傳見大吏

以上隆德縣名宦

宋李繼和 傳見大吏

曹 璋 傳見大吏

張 綸 傳見大吏

鄭 戩 傳見大吏

劉 滄 傳見前

王 素 傳見大吏

明顧 佐 傳見前

彭 乾四川永川縣舉人崇禎五年任莊浪縣課農桑勤教化修器械選材勇謀食謀守身親督率俄而流寇李自成遣將來攻乾固結人心隨機應變乘其怠突擊之賊敗去乾料賊必再至益守備令婦女負石掘土以供填擊之用復請總兵曹文詔駐水頭溝以禦之賊果悉眾至鎮兵邀擊之城由是得保以勞卒百姓如喪考妣相與塑像建祠奉烝嘗報功德亦庶昭以死勤事之報云國朝秦之銓字象州山西陵川進士知莊浪縣甫下車卽詢民間疾苦秉直不屈修廢墜釐剔奸弊靡不稱職修學宮葺城垣捐建署樓三楹申豁里下逋賦民賴以安時過靜甯州州牧以爲屬員也視之倨慢狎侮積憤不平遂具文比例隆德請隸諸府自是官不受州官之節制民不受州民之擾累七年以艱歸去官之日囊無寸

甘肅新通志

卷五十七

職官志 名宦上

五十一

縑士民愛而憐之者爭相助資乃得還

蔣 於山東棲霞縣拔貢同治七年任隆德縣兼攝莊浪勸農興學廣設義塾招撫流亡尤以恤良鋤暴爲己任時回匪四出搶掠鄉民適報賊至於躬率防勇出城擊賊忽狂風迷目遂被害士民

請爲立祠祀之

以上莊浪縣丞名宦

固原直隸州

漢王 尊字子贛涿郡高陽人爲安定太守力戒貪鄙正身率下威震郡中盜賊分散詳見平涼府名宦

馮 異 傳見大吏

張 奐 傳見安西州鄉賢

唐裴行儉 傳見大吏

郝 玘 傳見大吏

宋曹 瑋 傳見大吏

范仲淹 傳見大吏

明王 越 傳見大吏

秦 紘 傳見大吏

楊一清 傳見大吏

甘肅新通志

卷五十七

職官志 名宦上

五十二

王 瓊 傳見大吏

曾 銑 傳見大吏

石茂華 傳見大吏

尤繼先榆林衛人善騎射愛士卒任固原總兵時北虜不敢犯界卒加太保軍中咸哭西向而祭

李 芳綏德衛指揮任固原遊擊戰死立祠祀之

國朝王進寶字顯吾靖遠人 傳見蘭州府鄉賢

傳 清 傳見大吏

任 舉山西大同人雍正二年武進士署延綏柏林堡守備調赴巴里坤駐防應援有功乾隆七年累擢固原提標左營遊擊十一年冬中營兵童文耀賈世忠等以索糧謀叛夜劫提轅舉聞警登鼓樓傳隊搜捕手刃十餘級生擒四十餘賊亂以平尋授西鳳營

參將重慶鎮總兵後殉於石城 賜諡勇烈祀昭忠祠照提督議
卹祭葬如例

周克開字梅圃湖南長沙舉人選授隴西甯朔知縣乾隆二十五年卓異升授固原知州擢貴陽知府江西糧道克開在固時禁私錢興書院民僉德之生平無私蓄故當時稱廉吏者必曰周梅圃云

楊遇春 傳見大吏

化平直隸廳

宋薛奎 傳見平涼府名宦

盧鑑 傳見平涼府名宦

侯可 傳見平涼府名宦

游師雄 傳見大吏

朱友恭 傳見平涼府名宦

金安師雄 傳見華亭縣名宦

明張守亨 傳見平涼府名宦

吳連 傳見平涼府名宦

李圭 傳見平涼府名宦

國朝楊榮允 傳見平涼府名宦

佟希堯 傳見平涼府名宦 以上化平川直隸廳名宦

涇州直隸州

宋張守約字希愛濮人以廕守原州截路砦招降羌酋十七族萬一千帳遷西上閣門使知鎮戎軍進環慶都鈐轄知邠州徙涇原延鄜秦鳳副總管領康州刺史夏人十萬屯南牟避去知涇州涇水暴漲無常春必費民增治隄堰守約以歲罷役然眾憂水患守約以河神祠在南壩禱而遷諸北以捍河一夕雷雨淤爲沙隄民得免役

明婁 銹湖南湘陰縣人由舉人崇禎七年知涇州流賊陷城死之贈太僕寺少卿 國朝追諡烈愍公

國朝葉映榴 傳見大吏各屬通祀 以上涇州名宦

唐李元諒本姓安氏冒姓駱朱泚之亂與李晟恢復京師賜姓李尙公主封武康郡王爲隴右節度使初築崇信城以禦吐蕃且戰且

甘肅新通志

卷五十七

職官志 名宦上

五十五

守因地制宜德威並著遠邇懷服土人立廟祀之今載入祀典任嘉進元和十三年爲佐神策軍崇信城鎮遏都知兵馬事開府儀同三司試太子賓客兼監察御史上柱國惠民保邑土人戴德某自勵 姓缺 長慶二年爲佐神策軍崇信城鎮遏都知兵馬事開府儀同三司檢校太子賓客兼殿中侍御史

宋李元吉天聖七年爲朝散郎試祕書省校書郎知崇信縣事與民同休戚

武 詢就延州种侯之辟從軍四次熙甯四年興破西夏之師王 需紹聖中爲雄州防禦推官知崇信縣事專理運饟築平夏靈平等城有功爲政愛民如子

元楚 彧至正閒任崇信清廉惠育立戒石以示箴其忠君愛民之心霽如也

劉 炳字煥章至正間爲崇信令性素謹博覽經史誨士以大禹惜寸陰吾輩當惜分陰與民同休戚修廩立市葺理學校祠廨躬導稼穡不避寒暑民愛如父母

明王 軫洪武初任崇信時值多事能安集人民創城池學校廟祠衙字以立新爲後人式

柳仲庭字應和湖廣崇陽監生任崇信崇尚儉約編寄莊徭銀以濟里甲歲荒賑恤全活甚眾纂修邑乘筆削謹嚴

武有備山西壺關人由舉人任崇信愛育有方催科不擾扶衰救弊飭紀維風在在俱著實績邑民頌德不忘

張文炳山東掖縣人由舉人任崇信著有崇人苦難歌鐫於碑張六材山西孟縣人由拔貢任崇信招致流亡培植文教裁汰冗役恩威並著軍興練兵守備孤城無恙

甘肅新通志

卷五十七

職官志 名宦上

五十六

龐 瑜湖廣公安人由貢生崇禎間任崇信政平訟理士民愛之時流賊猖獗瑜預籌戰守以備不虞未幾賊至銳不可當城陷殉節事聞上嘉其節勅褒曰孤城苦守效死勿去贈固原州知州國朝武全文山西孟縣人由進士順治四年任崇信時兵燹後閭閻蕭索子遺堪憐吏治廢弛諸多棘手全文興利剔弊旦夕弗遑生聚教訓成績聿著遺愛甚多

以上崇信縣名宦

明陳遇文字道周山西安邑人由進士任鎮原興教化恤瑩獨歲壬午旱延全陝請施賑濟明年春躬巡郊野廉民無耕牛者分給之時瘟疫流行施藥調治後遇文督鹺兩淮鎮邑又遭旱災聞之捐俸以資邑人感德建祠祀之

國朝崔應鳳直隸霸州人順治二年任鎮原時當喪亂之後邑治邱墟僑治城南黃蛟岔招撫遺民請豁免荒糧百姓漸次復業其政績

爲開國第一

趙與鴻字常一江西南豐進士乾隆六年任鎮原聽訟不尙刑威曲導以義遇略識字義者卽分別優待由是人勉於學農皆知書去之日行李惟詩書數卷邑人爲之建祠以祀

易文基字芝田湖南長沙人由翰林院檢討乾隆三十五年改知鎮原有富民某被盜扳害將破產文基令雜人叢俾盜識之盜果誤遂獲釋偶從平郡歸路遇牧羊夫察其形色知爲盜令捕之明日失羊者亦至果盜也文基明於折獄每聽訟則連牒環跪耳聽手披移時畢判曲直昭然泣任三載棍徒斂迹賭盜屏絕邑人戴之若父母去之日垂涕攀輿者數千人並建生祠祀之

霍樹清字松軒陝西朝邑人嘉慶壬戌進士選庶吉士改官知縣選江西新淦告近改選甘肅鎮原旣泣任汲汲培學校勵風化尤

甘肅新通志

卷五十七

職官志 名宦上

五十七

以聽訟爲使民見信之本凡投狀立時批發差票限以期到案卽訊結有點役以抗傳毀票捏稟某生廉其誣重懲之官民益相信故事每遇冰雹霜災卽請放籽種口糧名曰調劑樹清在任之三年偶雨雹本州暨崇信報災請賑樹清獨不謂然後值蘭州各屬大旱奉委查皋蘭紅水縣丞地方戶口原擬按戶散賑不計口數樹清以戶口多寡不一分別清查制府那彥成深然之發銀二千令赴紅水散放樹清傳商民分包銀封親歷四鄉挨戶散給旋調署平羅請畢事後赴任復發銀八千仍往紅水散放以災民有銀無處易錢居奇者或緣爲奸利乃傳殷實商民給以費領銀赴平番購錢按戶口算給之有販糧者尾之行以便民糴用是實惠均霑事訖回省制府以散錢致詰樹清謂有利災民實無弊制府曰我亦信得過但他人則不能無弊耳後數年因藩庫虧空牽涉賑

案 朝廷遣大臣治之重者大辟輕亦降調獨樹清不與及任平
羅興學正俗亦如在鎮原時甯屬重渠利值農忙晝夜駐工封放
渠水民大悅丁母憂歸服闋補新淦原缺歷任臨川鄱陽新建等
縣陞南昌同知歷署贛州南康南安等府皆有惠政入祀南昌新
建名宦祠

以上鎮原
縣名宦

明趙廷琦尙嵐州舉人洪武間知靈臺縣事端方謹飭人不敢輕犯
哀榮獨濟荒旱遺愛至今流傳

李 忱河陽人洪武間知靈臺縣事政治寬平民心稱快時值荒
歉具疏以免半徵不愧循良

劉大武山西襄垣人正德閒知靈臺事明辯任事發奸摘伏破囉
哩賊於橫渠盜賊屏息夜間績紡讀書者晨起卽賞勞課士勵俗
人無敢遊惰居四年卒

以上靈
臺名宦

甘肅新通志

卷五十七

職官志 名宦上

五十八

